

## Izmjene i dopune MSFI za MSS

### Odjeljak 29 **Porez na dobit**

---

Uvode se tačke 29.3A, 29.42 i 29.43 (uključujući pripadajuće naslove) te vrše izmjene i dopune tačke 29.38  
Novi tekst je podvučen.

### **Djelokrug ovog odjeljka**

---

...

29.3A Ovaj odjeljak se odnosi na poreze na dobit proistekle iz poreznih propisa koji su isključivo ili najvećim dijelom doneseni kako bi se provela pravila za Drugi stub koje je objavila Organizacija za ekonomsku saradnju i razvoj /engl. *Organisation for Economic Co-operation and Development – OECD*/, uključujući porezne propise kojima se uređuju odgovarajući tzv. *top-up* porezi po minimalnim domaćim stopama iz tih pravila. Takvi porezni propisi i porezi na dobit koji proističu iz njih u nastavku teksta nazivaju se „propisi drugog stuba“ i „porezi na dobit drugog stuba“. Kao izuzetak od zahtjeva iz ovog odjeljka, subjekt nije dužan priznati odgođenu poreznu imovinu i obaveze koje se odnose na poreze na dobit drugog stuba niti objaviti informacije o njima čije objavljivanje bi inače nalagale tačke 29.39, 29.40 i 29.41.

...

### **Objavljivanja**

---

29.38. Subjekt treba objaviti informacije koje omogućavaju korisnicima njegovih finansijskih izvještaja da ocijene prirodu i finansijski efekat posljedica tekućeg i odgođenog poreza priznatih transakcija i drugih događaja (uključujući donošenje, u cijelosti ili većeg dijela, poreznih stopa i poreznih propisa poput propisa drugog stuba).

...

### **Međunarodna porezna reforma – uzorci pravila za Drugi stub**

29.42. Subjekt obuhvaćen propisima drugog stuba objavljuje da je koristio izuzetak od priznavanja i objavljivanja informacija o odgođenoj poreznoj imovini i obavezama u vezi s porezima na dobit drugog stuba (vidjeti tačku 29.3A).

29.43. Subjekt odvojeno objavljuje svoj tekući porezni rashod (prihod) u vezi s porezima na dobit drugog stuba.

## Odjeljak 35

### ***Prelazak na MSFI za MSS***

---

Vrše se izmjene i dopune podtačke (h) tačke 35.10. Novi tekst je podvučen.

...

## **Postupci izrade financijskih izvještaja na dan prelaska**

---

...

35.10. Subjekt ima pravo koristiti jedan ili više sljedećih izuzetaka kod prvog sastavljanja financijskih izvještaja u skladu s ovim standardom:

...

- (h) odgođeni porez na dobit. Subjekt koji prvi put primjenjuje ovaj standard može primijeniti Odjeljak 29 *Porez na dobit* prospektivno od datuma prelaska na *MSFI za MSS*, u isto vrijeme retroaktivno primjenjujući izuzetak iz tačke 29.3A.

## Dodatak A

### Datum stupanja na snagu i prelazak

Uvodi se tačka A4. Zbog bolje preglednosti, tekst tačke nije podvučen.

...

- A4. Dokumentom „Međunarodna porezna reforma – uzorci pravila za Drugi stub“, objavljenim u septembru 2023. godine, uvedene su tačke 29.3A, 29.42. i 29.43. te izvršene izmjene i dopune tačke 29.38. i podtačke (h) tačke 35.10. Subjekt treba primijeniti:
- (a) tačke 29.3A, 29.38 i 29.42, kao i podtačku (h) 35.10 odmah po izdavanju ovih izmjena i dopuna. Tačke 29.3A, 29.38 i 29.42 se primjenjuju retroaktivno u skladu s Odjeljkom 10 *Računovodstvene politike, procjene i greške*;
  - (b) tačku 29.43 na godišnje izvještajne periode koji počinju na ili poslije 1. januara 2023. godine.